



Universitätsbibliothek Paderborn

Historiae Ecclesiasticae Pars ...

Historiae Ecclesiasticae Pars Secvnda, Qva Continentvr Socratis Scolastici
Constantinopolitani lib. 7. Theodoriti Cyrensis episcopi lib. 5

Christopherson, John

[Köln], 1569

De Arsenio & brachio eius, quod amputatum ferebatur, & quòd cum post
accusationem Athanasius innocens inueniretur, accusatores eius in fugam
se coniecerunt, quodq[ue] in secunda Athanasij ...

urn:nbn:de:hbz:466:1-12704

lum, id temporis Antiochiæ Syriæ commorantem literas dedit, vt eos, qui in crimen vocati essent, fistendos curaret: causam cognosceret: criminis conuictos, suppicio afficeret. Misit eo Eusebium & Theognidem, vt coram illis de Athanasio iudicium fieret. Iste, vt intellexerat se à Censore accersitum, mittit in AEgyptum quæsitum Arsenium. Acceperat enim illum in occulto latitare. Eum verò locum subinde commutantem comprehendere non poterat. Interea loci Imperator iudicium, quod de Athanasio coram Censore fieret, tali de causa sustulit.

Concilium Episcoporum ad templum, quod Ierosolymis ædificauerat, consecrandum conuocat. Episcopis autem, qui erant antea Tyri coacti, mandatum dedit Imperator, vt iudicium de Athanasio obiter exercent, quo ibi contentione prorsus iam ante è medio sublata, maiore cum animorum tranquillitate festum consecrandæ Ecclesiæ celebrarent, eamque Deo dedicarent. Trigesimus iam agebatur annus regni Constantini. Tyrum Episcopi numero sexaginta Dionysii viri consularis accersitu aduentauerant. Macarius presbyter Alexandria vinculis ferreis constrictus, à militibus eo adductus est. Athanasius autem Tyrum accedere noluit, non tam criminæ obiecta veritus (nullius enim eorum, quæ ipsi erant illata, conscius fuit) quam admodum reformidans, ne quid illic noui contra Concilii Nicæni decreta decideretur. Sed quoniam minaces literæ Imperatoris eius animo non parum timoris iniecerant (ad illum namque scripserat, si non sua sponte vellet accedere, vi eo deductum fore) ad Concilium aduentat necessariò.

De Arsenio & brachio eius, quod amputatum ferebatur, & quod cum post accusationem Athanasius innocens inueniretur, accusatores eius in fugam se coniecerunt, quodq; in secunda Athanasi criminatione, cum defensionem eius episcopi non admitterent, ipse ad Imperatorem recurrebat, cum tamen Synodus nihilominus de deponendo illo sententiam tulera.

SOCRATIS HISTORIAE

CAPVT. XXI.

FActum est diuina prouidentia, vt Arsenius etiam Tyrū aduentaret. Nam neglectis mandatis, quę calūniatores, qui ei pecunias largiti fuerant, dedissent, ex occulto ad res, quę ibi gererentur, cognoscendas accedit. Euenit, vt famuli Archelai, viri consularis, in taberna ex quorūdam sermone intelligerent, Arsenium, quem rumor erat interfictum fuisse, illic in hominis cuiusdam edibus clam delitescere. Quę cum accepissent, eosq; qui narrabant, diligenter notassent, ea quę audiuerant, ad dominum suum referunt. Ille exemplō, omni abiecta cunctatione, hominem conquirit, conquisitum inuenit, inuentum in loco tuto concludit. Athanasio significat, vt bono animo sit. Viuum enim Arsenium eo aduentasse. Arsenius igitur compræhensus, negat se esse, qui erat. Verùm Paulus, Tyri episcopus, qui eū iam olim cognoverat, perspicuè Arsenium esse conuincit. His rebus diuina prouidentia rite, commodeq; constitutis, Athanasius non multo post à Concilio accersitur. Quo præfente, Calumniatores manum in medium afferunt: crimē illi obiectant. Ille causam suam agit sapiéter. Nam tum alios qui aderant, tum ipsos accusatores rogat, si qui corum forte Arsenium noscerent. Cum plériq; se eum noscere responderét Arsenium, manibus subter Pallium occultatis, introducendum curat. Tum ab illis denuo sciscitatur: Estne hic Arsenius, qui manum amiserit? vnde ex illis qui aderant, solum exceptis iis, qui norant, vnde manus esset amputata, Alij propter incredibilem rei euentum obstupuerunt: Alij manum Arsenio reuera deesse putauerunt: exspectaruntque aliam rationem ab Athanasio allatā fore, qua se defenseret. At ille pallio Arsenij retro paululum depulso, ex altero latere hominis manum ostendit. Rursus. Cum quidam adhuc suspicarentur, eum altera manu orbatum, Primo Athanasius aliquantulum se retrahens, illorum animos suspensos reddidit. Deinde absque mora, altera pallij parte retro depulsa, alteram Arsenii manum ostendit: sicq; eos, qui aderant, affatur. Arsenius, vt videtis, duas manus habere cernitur: Locum autem vnde tertia amputata sit, accusatores nobis,

nobis, quæso, commonstrent. His rebus hoc modo de Arsenio confectis, qui dolum contexuerant, non habebant, quo se verterent. Achaab, qui alio nomine Iannes appellatus erat, accusator Athanasii foro iudicali elapsus, in ipso tumultu clam se fugæ mandauit. Hoc pacto Athanasius, istam accusationem, nulla exceptione vsus, euitauit. Nam non dubitauit, quin sola Arsenii vita ita stupore esset calumniatores oppressura, ut prorsus succumberent. Verum in calumniis contra Macarium illatis diluendis, exceptionibus, quas leges præscribunt, vsus est. Ac primum. Eusebiū cum suis ut hostes rejecit: non debere iudicium ab aduersario exerceri ait. Deinde ostendi postulat, utrum Ischyras accusator presbyteri gradum, ac dignitatem (nam ita in accusatione scriptum erat) vere obtinueret. At à iudicibus istarum rerum nulla cura ducitur: Lis intenditur Macario. Verum cum accusatorum vires fere languescerent, causæ cognitio differtur: eo quidem concilio, ut certi homines in Mareotem proficerentur, inq; eo loco, de rebus controversis disceptarent. Athanasius autem, ut primum eos, quos reiecerat, missos vidit (mittebantur quidē Theognis, Maris, Theodorus, Macedonius, Valens, Vrsacius,) clamat causam fallaciis, & dolo malo agi: Iniquum enim esse, ut Macarius presbyter in vinculis teneretur constrictus, eius autem accusator cum iudicibus illi omnino infestis versatur: idq; non alia de causa, quam ut ex una parte solum rerum in iudicio agendarunt commentarii conficerentur. Cum ista vociferatus fuisset Athanasius, & tum concilium conuocatum, tum Dionysium consularem esset contestatus, nemoq; esset, qui illi animum attenderet, se clam inde subduxit. Qui autem in Mareotem missi erant, ex una parte solum commentarios conficiunt, earum rerum, quas accusator retulerat, quasi reuera gestæ fuissent. Vbi Athanasius inde profectus, recta ad Imperatorem se contulerat, primum à concilio iudicata causa condemnatur. Deinde simul atque ea, quæ in Mareote gesta erant, cum his una concurserant abdicatio illi decernitur: multa probra in causis abdicationis referendis contumeliosè obijciuntur. De calumniatoribus, quo pacto inuidia adducti, illum falso accusauissent, tur piterq; essent convicti, penitus filetur. Arse-

SOCRATIS HISTORIAE

nus, qui è medio dicebatur sublatus, ab illis recipitur. Qui quidem antea Episcopus sectæ Melitianæ fuit: at iam tum Athanasii abdicationi, ut Episcopus Hypsepolitanorum subscriptis. Et quod dictu est prope incredibile, cui ab Athanasio ferebatur illata mors, hic viuus Athanasium abdicat.

*Quomodo Synodus relicto Tyro Hierosolyma com
migrauerit, ubi nouæ Hierusalem encenys cele
bratis, Arij fautores in communionem admi
serint, quodq; Imperator, Synodum ad se acce
sendarum per Epistolam curauit, ut ipse que A
thanasio obiectarentur, accuratius examinaret.*

CAP. XXII.

PO ST has res gestas, exemplo literæ Imperatoris af
feruntur, quæ significabant, ut concilium maturè se Ie
rosolymam reciperet. Itaque Episcopi nulla interpo
sita mora, Tyro Hierosolymam propere iter faciunt. So
lemne festum ob locorum illorum consecrationem cele
bratur. Arius, cum suis in ecclesiam recipitur. Nam di
cebatur ab Episcopis, se in ea re literis Imperatoris obtem
perasse, quibus illis significauerat se fidem Arij, & Eusoij
penitus perspectam habere. Quinetiam ab Episcopis
literæ Ecclesiæ Alexandriæ dabantur, ut omni inuidiæ
flamma extincta res suas pacatè & tranquillè administra
ret. Referebatur item Arium erroris sui se pœnituisse,
veritatem agnouisse, de cætero Ecclesiæ velle adhærere: &
propterea ab ipsis meritò receptum esse: Athanasium au
tem communi consensu relegatum. De eisdem rebus e
tiam ipsum Imperatorem certiore faciunt. Dum hæc
ab Episcopis geruntur, continuò aliæ literæ ab Imperato
re ad illos missæ erant, quibus significabatur, Athanasium
ad ipsum Imperatorem configuisse: illosq; eius causa Con
stantinopolim debere accedere necessario. Literæ Impera
toris quæ missæ erant, sic se habent.

Victor